



Ajet Kuranor:

Allahu i Madhërishëm thotë:

Ata që shpenzojnë pasurinë e vet në rrugë të Allahut, i shëmbëllojnë atij që mbjell një kokërr nga e cila dalin shtatë kallinj, ku secili kalli ka nga njëqind kokrra. Allahu ia shton (shpërblimin) edhe më tepër kujt të dëshirojë; Allahu është Mirëbërës i madh dhe i Gjithëdijshëm. [Kuran 2:187]

Hadith

Nga Ibnu Abbasi, Allahu qoftë i kënaqur prej tij, përcillet të ketë thënë: “I Dërguari i Allahut, paqja dhe lavdërimi i Allahut qofshin mbi të, ishte njeriu më bujar, e veçanërisht në ramazan, kur e takonte Xhibrili e ia mësonte Kuranin. I Dërguari i Allahut ishte më bujar në mirësi sesa filladi i erës.” [Muttefekun alejhi]

Gjurmë:

Ibnu Umeri, Allahu qoftë i kënaqur prej tij, kur agjëronte nuk bënte iftar përveçse me njerëzit e varfër, madje nëse e pengonte ndonjëherë familja e tij nga ta, atë natë nuk hante ushqim!

Ndriçim:

Imam Shafiu thoshte: “Kam dëshirë që njeriu ta shtojë bujarinë gjatë ramazanit, për të ndjekur kështu rrugën e të Dërguarit të Allahut, paqja dhe lavdërimi i Allahut qofshin mbi të, po ashtu

edhe për shkak se njerëzit kanë nevojë të bëjnë gjëra që janë në të mirën e tyre dhe njëherazi për shkak të angazhimit të njerëzve me agjërime e me namaz, duke lënë anash fitimet e dunjasë”.

Shkëputur nga libri: “Jeumijat saimeh” (Hakibetu saimat) – të autorëve dr. Adil Esh-Shiddi dhe
dr. Ahmed El-Mezjed

Përktheu: Jusuf H. Kastrati – Shembulli.com